



UNIVERSITÄTS-
BIBLIOTHEK
PADERBORN

Corpus Juris Canonici

Gregor <XIII., Papst>

Coloniae Munatianæ, 1665

39 Vult hæc pontifices callere negotia secli.

[urn:nbn:de:hbz:466:1-62915](https://nbn-resolving.org/urn:nbn:de:hbz:466:1-62915)

C. XIII. PALEA.

Item Augustinus de vera religione, cap. 49. & cap. 50.

Locutio divinarum scripturarum secundum cujusque linguae proprietatem accipienda est. Habet enim omnis lingua, sua quaedam propria genera locutionum, quae cum in aliam linguam transferuntur, videntur absurda.

C. XV. PALEA.

Item Hieronymus ad Pammachium, epist. 52. cuius intuitum est: Christiani interdum pudori est.

Ecclasiastica interpretatio, etiam si habet eloquii venustatem, dissimulare eam debet, & fugere a, ut non otiosus philosophorum scholis, paucisque discipulis, sed universis loquatur hominum generi.

C. XVI. *Propter opprobrium senectutis, a parvulis, & minimis non erubescat discere episcopus.*

Item Clemens Papa, epist. 5.

Nullus episcopus b propter opprobrium senectutis, vel nobilitatem generis a parvulis, vel minimis eruditus, si quid forte est utilitatis, aut salutis, inquirere negligat. Qui enim rebelleter vivit, & discere atque agere bona recusat, magis diaboli, quam Christi membrum esse offenditur: & potius infidelis, quam fidelis monstratur.

DISTINCTIO XXXIX.

Ecce plenarie monstratum est, quod sacerdotes, oportet literarum tam sacrarum, quam secularium esse peritos. Nunc quaeritur, an secularium negotiorum oporteat eos habere peritiam. Hanc praealti esse necessariam multis rationibus probatur. Debent namque praelati subditi non solum spiritualia, sed etiam carnalia subsidia ministrare, exemplo Christi, qui turbas sequentes non solum verbo docebat, sed etiam virtute sanabat, & corporalibus alimentis reficiebat. Vi autem praelati haec omnia plene possint perficere, secularium negotiorum oportet eos habere solertiam: ut eorum cautela & ecclesiae serventur indemnes, & cuique necessaria pro suo modo ministrantur. Unde quidam in episcopum electus, a Beato Gregorio pro sua simplicitate repellitur, ne ejus occasione res ecclesiae dilapidarentur.

C. I. *Secularium negotiorum imperitis non sunt in episcopos ordinandi. Sic enim scribit Gregorius clero & nobilibus Neapoli, lib. 6. epist. 40.*

Petrus d' diaconus, quem a vobis electum asseritis, omnino (ut dicitur) simplex est: & nostis, quia talis hoc tempore in regiminis debet arce constitui, qui non solum de salute animarum, verum etiam de extrinseca subditorum utilitate, & cautela sciat esse sollicitus.

DISTINCTIO XL.

Oportet e quoque episcopum esse ornatum, & hospitalitatem. Ornamenta episcopalia, virtutes debent intelligi, quae a Domino ei repraesentantur, cum dicitur, [Sacerdotes s. ejus induam salutari.] Unde in veteri testamentum variis vestibus ex praecepto Domini sacerdotes ornati leguntur: quia multimodis virtutibus debet splendere veritas pontificis, ut gratias conferat decorum, quem ab eo non accepit. Non enim licet, sed vita, & mores sanctorum faciunt sacerdotem. Unde ex suscepro officio non licentiam peccandi, sed necessitatem bene vivendi se noverim affecturi.

a. al. non fugere. b. abest ab originali. c. al. minus. d. Anst. lib. 6. cap. 13. Polyg. lib. 2. tit. 1. c. 1. tom. 3. f. Psal. 132. g. Exod. 28.

C. I. *Officium sacerdotii non confertur, sed adimuntur peccandi licentiam.*

Unde Symmachus Papa ait.

Non a nos beatus Petrus, sicut dicitis, a Domino cum sedis privilegiis, vel successores ejus, peccandi judicamus licentiam suscepisse. Ille perennem meritorum aeternam cum hereditate innocentiae misit ad posterum. Quod illi concessum est pro actum luce, ad illos pertinet, quos par conversationis splendor illuminat. Quis enim sanctum dubitet esse, quem apex tantae dignitatis attollit? In quo si desunt bona acquisita per meritum, sufficient, quae loci decessore praestantur. Aurem claros ad haec fastigia erigit: aut qui eriguntur, illustrat.

Caput hoc, quod citatur ex Symmacho, est in libro quem pro Symmacho Eusebius diaconus scripsit: prae, Symmacho nomine citatur, quod eum librum Symmachus, & universa quanta Synodus pro causa Symmachii habita sic approbavit: cui parum ei eum Synodus, & Apostolicum decretum auctoritatem tribuerunt.

C. II. *Fili sanctorum sunt, qui exercent opera eorum.*

Item Hieronymus ad Heliodorum, epist. 1.

Non b est facile stare loco Pauli, & tenere gradum Petri, iam cum Christo regnantium: quia hinc i dicitur, non sanctorum filii sunt, qui tenent loca sanctorum, sed qui exercent opera eorum.

Quia hinc] Hec usque ad finem non sunt inventa apud B. Hieronymum, ex quo tamen, aut ex ejus dictis, citant ceteri collectores.

C. III. *Morum nobilitas, non loci, vel generis sacerdotum notificet.*

Item Gregorius.

Nos c qui praesumus, non ex locorum, vel generis dignitate, sed morum nobilitate innoscere debemus: necurbium claritate, sed fidei puritate.

C. IIII. *Non loca, vel ordines, sed merita nos disjungunt.*

Item Gregorius ad Anastasium presbyterum, lib. 6. epist. 29. vel c. 103.

Non d loca vel ordines creatori nostro proximos faciunt: sed ei nos merita bona jungunt, aut mala disjungunt.

C. V. *Magnitudo peccati, vel dignitatis quemque fortiter deprecet.*

Item Ioannes Chrysostronus, [id est, auctor operum imperfecti in Mattheo, b. milia 40. ad c. 21.]

Homo Christianus fortiter cadit in peccato propter duas causas, aut propter magnitudinem peccati, aut propter altitudinem dignitatis.

C. VI. *Damatur Apostolicus, qui sua, & fraternae salutis est negligens.*

Item ex dictis e Bonifacii i martyris.

Si f Papa lux, & fraternae salutis negligens, deprehenditur inutilis, & remissus in operibus suis, & insuper a bono taciturnus, quod magis officio sibi, & omnibus, nihilominus innumerabiles populos catervatum secum ducit, primo mancipio gehennae, cum ipso plagis multis in aeternum vapulaturus. g. Huius culpas istae redarguere praesumit mortalium nullus: quia cunctos ipse iudicaturus, a nemine est iudicandus, nisi deprehendatur a fide devius: pro cuius perpetuo statu universalitas fidelium tantum instantius orat, quantum suam salutem post Deum ex illius incolumitate animadvertit propensius pendere.

a Polyg. l. 3. tit. 7. b Infra 2. q. 7. c. non omnes. Polyg. lib. 3. tit. 8. Burch. l. 1. c. 207. lvo p. 1. c. 321. c Burch. l. 1. c. 208. lvo p. 5. cap. 32. Polyg. l. 3. tit. 7. d Polyg. ibid. e al. gestu. f lvo p. 1. c. 23. g. al. vapulaturus.

